

河間劉守真傷寒論方卷下

臨川 葛維 編
新安 吳勉學 校

習醫要用直格

諸證藥石分劑

麻黃散

麻黃一兩半去節湯泡 桂枝一兩削去皺皮官桂是也 甘草半兩炙

杏仁二十粒湯浸去皮尖雙仁者下同法

右剉如麻豆大每服五錢匕作匙也謂錢也

水一盞半煎至八分濾去滓 溫服海阻文切 衣覆以取微汗

或溫病

身煩痛小便自利者加白朮四分微汗之 每一分二錢半也

益元散一名天水散

滑石六兩白 甘草一兩賦好者

右為細末每服三錢蜜多許溫水調下或無蜜亦可每時日三服或欲冷飲者新井泉調下亦得解利發汗煎葱

白豆豉湯下每服水一盞葱白五寸豆豉五十粒煮取汁七分調併三四服以効為度此藥是寒涼解散熱鬱設

病甚不解多服無害但有益耳本世傳名太白散俗惡性寒葱易得之賤物而又不明素問造化之理故不取本

草神驗之言而多不用焉若以隨證驗之乃凡人之仙藥也何可缺歟○夫傷寒當汗則不可下當下則不可汗

且如誤服此藥則汗自不出而裏熱亦復不效亦有裏熱便得宣通而愈者也或半在表半在裏可和解而不可

吐下發汗者若服此藥多愈或不愈亦小減加涼膈散和解尤佳○或自當汗解者更加蒼朮粗末三錢同葱豉

煎湯調服尤良或孕婦不宜滑石麻黃桂枝單發汗即用甘草一兩蒼朮二兩同為粗末每服四錢水一盞葱白

五寸豉五十粒同煎至六分濾去滓熱服併二三服取微汗是名逼毒散非孕婦亦可服或大白散加麻黃二兩

去節如法煎服世云神白散○或逼毒散加麻黃與蒼朮等分去節濟眾云青龍散○或青龍散更加滑石末與

蒼朮二倍是為發汗之妙藥名曰大逼毒散此方唯正可汗者即用誤服之則轉加熱也或解利兩感煎涼膈調

下益元散四錢○或下乳用豬肉麵羹粥飲湯之類調下四錢不拘時候日三服及宜食肉麵羹粥○催產溫香

傷寒直格

卷下



南京中醫藥大學圖書館藏

河間劉守真傷寒論方卷下

臨川 葛維 編
新安 吳勉學 校

習醫要用直格

諸證藥石分劑

麻黃散

麻黃一兩半去節湯泡 桂枝一兩削去皺皮官桂是也 甘草半兩炙

杏仁二十粒湯浸去皮尖雙仁者下同法

右剉如麻豆大每服五錢匕作匙也謂錢也

水一盞半煎至八分濾去滓 溫服海阻文切 衣覆以取微汗

或溫病

身煩痛小便自利者加白朮四分微汗之 每一分二錢半也

益元散一名天水散

滑石六兩白 甘草一兩賦好者

右為細末每服三錢蜜多許溫水調下或無蜜亦可每時日三服或欲冷飲者新井泉調下亦得解利發汗煎葱

白豆豉湯下每服水一盞葱白五寸豆豉五十粒煮取汁七分調併三四服以効為度此藥是寒涼解散熱鬱設

病甚不解多服無害但有益耳本世傳名太白散俗惡性寒葱易得之賤物而又不明素問造化之理故不取本

草神驗之言而多不用焉若以隨證驗之乃凡人之仙藥也何可缺歟○夫傷寒當汗則不可下當下則不可汗

且如誤服此藥則汗自不出而裏熱亦復不效亦有裏熱便得宣通而愈者也或半在表半在裏可和解而不可

吐下發汗者若服此藥多愈或不愈亦小減加涼膈散和解尤佳○或自當汗解者更加蒼朮粗末三錢同葱豉

煎湯調服尤良或孕婦不宜滑石麻黃桂枝單發汗即用甘草一兩蒼朮二兩同為粗末每服四錢水一盞葱白

五寸豉五十粒同煎至六分濾去滓熱服併二三服取微汗是名逼毒散非孕婦亦可服或大白散加麻黃二兩

去節如法煎服世云神白散○或逼毒散加麻黃與蒼朮等分去節濟眾云青龍散○或青龍散更加滑石末與

蒼朮二倍是為發汗之妙藥名曰大逼毒散此方唯正可汗者即用誤服之則轉加熱也或解利兩感煎涼膈調

下益元散四錢○或下乳用豬肉麵羹粥飲湯之類調下四錢不拘時候日三服及宜食肉麵羹粥○催產溫香

傷寒直格

卷下



南京中醫藥大學圖書館藏

油漿調下五錢併二三服以產為度。○或死胎不下者煎三乙承氣湯一服調下益元散五錢須臾更頻用油漿調益元散溫服前後俱下而胎下可活產母也凡難產或死胎不下皆由風熱燥滯緊斂結滯而不能舒緩故產戶不得自然開通也此藥力至則結滯頻開而產矣後慎不可溫補而反生燥熱也俗未知產後亡液損血疼痛怖懼以致神狂氣亂則陰氣損虛邪熱太甚而為諸熱證由不讀素問不知造化故不識證候陰陽反以妄為虛諸虛百損便為虛冷而無熱也誤以熱藥溫補或見煩渴者不令飲水本雖善心為害多矣豈治病之道但以臨時審其臟腑六氣虛實明其標本如法治之而已矣此藥泛常多用然須為效至大而俗以病異藥同將謂妄行反招侮慢今以黃丹加令桃紅色名曰紅玉散○加青黛令輕碧色名碧玉散○加薄荷葉一分名蘇蘇散玉療不殊收效則一俗目情然何能別此可遠妄侮可顯玄功後之學者其究心焉。

桂枝湯

桂枝 去皺

芍藥

甘草 各等分三

右剉如麻黃大每服八錢水一盞半姜三片棗三枚擘破煎至七分令去滓溫服續後啜熱稀粥溫覆令遍身微汗或暖也及初夏可加黃芩一兩名陽旦湯大熱之分及素有熱者可再加知母半兩石膏一兩為末或更加升麻一分禁生冷粘滑肉麵五辛酒酪息物等桂枝證反下之不成結胸及痞但腰滿証在者本方倍加芍藥大實痛者更加大黃半兩脈弱自利者不加

桂枝加葛根湯

桂枝

芍藥

甘草 各六錢

葛根 一兩

右如桂枝湯服謂如桂枝湯對煎服也下並倣此

葛根湯

葛根 一兩

麻黃

泡去黃汁焙乾稱三分

桂枝


去皺芍藥

甘草

各半兩

右如桂枝湯服

大青龍湯



麻黃如前石膏為末各桂一分甘草一分杏仁十枚湯去

右劉如麻豆大抄五錢水一盞生姜三片棗三枚學破煎至半盞瀝去滓溫服令身汗濕未潤再服

小青龍湯

麻黃如前半夏湯洗芍藥 細辛 乾姜 甘草炙桂枝去嫩各五味子二錢

右劉麻豆大每服八錢水一盞半生姜四片煎至七分絞汁溫服渴者去半夏加栝蒌根三錢微利去府黃

加芫花彈子大噎者去麻黃加附子二錢泡以開沸數結滯小便不利少腹滿者去麻黃加茯苓四錢喘

者去麻黃加杏仁製如前法此方燥至溫散其水以潤腸胃臟腑之燥以開發佛熱結滯者也

小柴胡湯

柴胡去苗科黃芩 甘草 人葎各三分半夏六錢泡

右劉如麻豆大抄五錢生姜三片棗三枚切煎至半盞瀝去滓溫服日三小兒一服作三服諸藥法同

涼膈散一名連翹散

連翹一兩山梔子 大黃 薄荷葉去毛黃芩各半甘草一兩朴硝一分

右為粗末每服二三錢水一盞蜜少許或無蜜亦可煎至七分瀝去滓溫服熱甚者可服四錢亦有可服一

二十錢者治咽喉并涎漱加桔梗一兩荆芥穗半兩咳而嘔者本方加半夏半兩每服生姜三片煎

者加當歸芍藥各半兩生地黃一兩淋者加滑石四兩茯苓一兩風眩者加川芎防風各半兩石膏三兩酒毒

者加葛根一兩斑疹痘瘡加荆芥穗赤芍藥川芎防風桔梗各半兩三歲兒可服七八錢或熱甚黑陷腹滿喘急

小便赤澀而將死者此一服更加大承氣湯約以下之得利立愈

凡言加者皆自本方加也但加者每服五七錢以意加減調理兩感傷寒下證前後以退表裏之熱者則本方

四五錢調下益元散三四錢其本方皆能治此諸證但加即為效也

白虎湯 知母一兩甘草一兩粳米一合石膏四兩

傷寒直各

卷下

一



右剉麻豆大抄五錢。水一盞煎至六分。去滓溫服。無時日三四服。熱甚者服七八錢。至十餘錢。或眩或嘔或咳者。加半夏半兩。陳皮半兩。每服用生姜三片煎服。或傷寒發汗不解。脉浮者。加蒼朮半兩。名曰蒼朮白虎湯。或發汗。或下後煩渴口乾。或脉洪大。或微惡寒者。或不可下者。或除可者之外。並宜加人參半兩以調之。名人參白虎湯。

五苓散

猪苓去黑皮 茯苓 白朮各半兩 桂去鉞澤瀉一兩

右為細末。每服二三錢。熱湯調下。惡熱欲冷飲者。新水調下。或生姜湯調下。愈妙。或加滑石二兩。甚或喘咳煩。心不得眠者。更加阿膠半兩。泡。

桂苓甘露飲一名桂苓白朮散

桂半兩 茯苓 白朮各半兩 甘草炙澤瀉 石膏 寒水石各一兩 滑石二兩

右為極細末。熱湯調下三錢。欲冷飲者。新水調下。或生姜湯調下。尤良。小兒服一錢。

白朮散

白朮 茯苓去皮 人參 藿香葉淨各半兩 甘草炙 木香一分 葛根一兩

右為細末。白湯調下三錢。若煩渴者。加滑石二兩。病甚者為粗末。每服一兩半。水一大升。煎至七合。絞汁放冷。從意續飲之。小兒尤宜。

四逆湯

甘草炙 乾姜各一分 附子半個

凡用附子以半兩重者佳。小者力弱。大者性惡。非稱處方之宜也。世皆美其大者。未知古人之有則也。

右剉麻豆大。用水兩盞。煮至一盞。絞汁分溫二服。強寔人二劑。作三服。或蓄熱極深者。手足厥冷。則不宜此方。當以下之也。

茯苓半夏湯



茯苓去皮 生姜取汁各一分 半夏一分

右剉麻豆大用水一盞煎至四分絞汁下姜汁溫服

半夏橘皮湯

半夏法泡如陳皮湯浸洗去糠 甘草炙 茯苓 黃芩去心 葛根半兩 厚朴去皮各一分

右剉麻豆大用水三盞生姜一分切煎至一盞半絞取汁分四服作一日食後溫服

黃連解毒湯

黃連去須 黃蘗 黃芩 大梔子各半兩

右剉麻豆大每服秤半兩水一茶盞煎至四分絞取汁溫服無時日三四以效為度每一二服效或腹滿嘔吐或

欲作利者每服加半夏三枚全用厚朴二錢剉茯苓去皮剉水一盞半生姜三片煎至半盞絞汁溫服名曰半夏

黃連解毒湯或欲急下者本方加入承氣湯一服生姜煎如前法以利為度 一法為細末水研如小豆大溫水

瓜蒂散

瓜蒂 赤小豆等分

右為細末以香豉半合豆豉也水一盞半煮取汁半盞調下一錢匕不吐加服得快吐乃止虛人不宜

大柴胡湯

柴胡去苗 大黃各半兩 黃芩 芍藥各一分 半夏二錢 枳實三錢生用

枳實去穰 不去穰為效甚速下並同

右剉麻豆大分作三服每服水一盞生姜三片棗三枚煎至半盞絞取汁溫服未利再服

大承氣湯

大黃 芒硝朴硝有芒頭者亦得 厚樸去皴 枳實各半兩

加甘草一兩是名三乙承氣湯



右剉麻豆大分一半用水一盞半生薑三片煎至六分納硝煎一二沸絞去滓熱服

凡前藥須慢火煎沸即下火為一沸或言煎至幾分亦如此法煎不可強火耗去其水也

凡病熱鬱甚而冷服寒藥則病能拒藥多不能下故經曰寒因熱用未利再服熱甚者此一劑分大半作一服未

利再服少半熱更甚者一劑都作一服熱勢甚者亦可併此二劑為一服劑分劑為一劑為一劑方得利而效者臨時消導以

利為度消息謂損益多少也

凡用藥多少倣於此耳

小承氣湯

大黃半兩厚朴三錢枳實三錢

右剉如麻豆大分二服每服用水一盞生薑三片煎至半盞絞取汁熱服未利再服或微下者一劑分作二服或

和胃氣不欲利者一劑分為四五服

調胃承氣湯

甘草大黃芒硝各半兩

右剉如麻豆大分一半用水一大盞煎至半盞絞去滓納硝煎一二沸熱服不利再服

十棗湯

芫花慢火炒大戟各等甘遂各等

右為散末用水一盞肥棗十枚切開者取汁半盞調下半盞七強實人服一錢匕以意加減快利為度

桃仁承氣湯

桃仁湯去皮尖雙芒硝半兩大黃六錢桂去鉞甘草各三錢

右剉如麻豆大分作三服每服用水一盞煎至半盞下硝絞取汁熱服日三以微利為度

抵當圓

水蛭炒蠃蟲炒各桃仁八粒大黃一錢



右為細末蜜和作二圓用水一小盞煮一圓至六分溫服。時時血未下者再服。

抵當湯

水蛭炒去翅足 桃仁七枚 大黃一錢

右剉如麻豆大分作二服每用水一盞者半盞絞去滓溫服未下再服。水蛭之吉丁結二切

茵陳湯

茵陳蒿去莖一兩 川大黃半兩 山梔子七枚小者十枚

右剉如麻豆大用水兩盞半慢火煮至一盞絞取汁溫服六分未利再服四分以利為度勢甚者作一服未利再作。以意加減當下如爛魚肚及膿血膠膠等物及小便多出金色如皂角汁或見證將欲發黃者此一劑分作四服每服調下五苓散三錢凡治發黃亢越此法也。

世俗有傳烙黃而愈者或此強實之人素本中氣不衰而及濕熱鬱之微者烙之而誤中強切開發得開氣血宣通即作汗而愈或體質本虛濕熱結甚則切發不發而反致死者不為少矣莫若仲景法對證以藥致之則免致強切不開而反誤人性命也及夫近世妄傳有寒極陰黃而內外極救其陽為害多矣設若病微而誤中開發得愈亦以鮮矣而傷生者不可勝言也大抵凡諸黃者有二一則濕熱氣而黃萬物皆然又如麥秀而麤雨濕熱過極則黃疸者也及水滂而天氣濕熱則草木將死而色變黃者也或病血液衰則虛燥熱太甚而身面痿黃者猶亢旱而草木萎黃也夫病燥熱而黃者當退熱潤燥而已此傷寒濕熱極甚而發黃者開結退熱雙利大小腑以除水濕則利加而愈也。對於林切

結胸而發黃者同陷胸湯各半服下之或誤服巴豆熱毒圍藥下之及損陰氣遂協熱利不止而發黃者同大承氣各半服下之亦有協熱利不止更或結胸而發黃者用茵陳五分同陷胸湯三分大承氣二分以下之或兩感發黃者本方加黃連解毒湯一服急下之或頭微汗小便利而微黃者濕熱微也宜此梔子藥皮湯。

大山梔子十五枚 甘草一錢 黃蘗半兩

右剉如麻豆大此劑則作二服每服水三盞者至一盞絞取汁分三次作一日服。



大陷胸湯

大黃 芒硝各三錢 甘遂末七字

右剉如麻豆大一劑分作二服每服用水一盞煮大黃至六分內消至一二沸絞汁一字七分溫服未快利再服熱惡不利者以意加服

大陷胸圓

大黃 半兩 葶藶三錢 芒硝一分 杏仁十二個 甘草

右大黃為細末下葶藶杵再羅研杏仁消如泥和圓如彈子大每服一圓入甘遂末三字七分蜜半匙水一盞煮至半盞溫服當一宿許乃下未利再服

小陷胸湯

半夏四錢 湯洗 生姜二錢 黃連二錢 栝實大者半個 惟剉其壳子則不全用不剉

右以水三盞煮栝實取汁一盞半內餘藥煮至一盞絞取汁一盞分兩次溫服以效為度

大黃黃連瀉心湯

大黃 黃連 黃芩各一分 一法加生姜一分甚良

梔子湯

大梔子七枚 豆豉半合

右以水兩盞煮梔子至一盞半內豉煮至半盞絞汁溫服

凡加者皆用梔子先煮

或吐者止後服 凡諸梔子湯皆非吐人之藥以其燥熱鬱結之甚而藥頓攻之不能開通則鬱發而吐因其嘔吐發開鬱結則氣通津液寬行而已故不須再服也

梔子厚朴湯

大梔子七枚 厚朴半兩 炙 枳實二錢



右劉如麻豆大以水一盞半煮緩汁半盞溫服

泛論

凡傷寒熱病下後熱不退下證尚在者再三下之以熱退為度雖熱退尚未痊愈者隨證調之凡下之前後或大汗將出或大汗已出俗是汗好汗是言大汗或汗後煩渴及諸吐瀉雜病一切煩渴者須以細細飲之渴未止者頻頻時與但不可

過多以成留飲不散者也留飲一名水畜經曰積飲

夫留飲謂水液留積畜聚於內而不濕潤傳化者也夫腸胃燥熱太甚則結滯而氣液不能宣通故雖飲而難以

止其煩渴也若以頻飲過多則水濕過極而腸胃燥熱怫鬱轉以加其水濕痞閉故成留飲而心腹滿痛或為吐

瀉也

設若不與飲之則燥熱轉甚危而死矣

夫腸胃之燥濕猶地最滂適當其宜皆不可過與不及凡治病之道以調六氣陰陽使無偏頗各守其常平和而

已嗟夫世俗或以妄為冷水寒藥水損脾腎滿卻大汗但令中外俱熱而欲望其作大汗者或大汗欲出腸胃燥

熱煩渴及汗已出反慮水却大沛不與水者或氣弱久虛煩渴者或吐瀉煩渴者或產婦煩渴皆以妄為氣虛不

可飲水也此乃未知古人云渴欲飲水為熱在裏也若夫正氣既衰邪熱燥甚而煩渴者若非水液寒藥滋潤救

其殘陰退其邪熱則陽熱暴甚而為害甚大也不與水而反以大毒熱藥燥之宜無損者耶且如酒之體者水也

比之飲水則過能多飲而旋能消散之外轉能發於渴者以其苦熱養於心火則陽盛陰衰而燥去水濕之體故

旋能消散而善多飲水也其酒之善多飲者以其酒之熱毒若非復以水體勝之則亦少飲疾醉者強以飲多則

燥熱太甚而多生病也然酒力之熱善消水體復制酒力以其熱力多於水體故飲多即熱醉而燥盡水體勢力

尚在則燥熱煩渴而病於酒也然酒之熱耗盡水體之外尚能燥熱煩渴為病况病於燥熱太甚而煩渴及不與

水者豈不知其害耶况燥熱煩渴者腸胃易為拂鬱當以退熱開結散水潤燥之藥調之免致燥熱太甚則怫鬱

以成留飲雖多飲亦不止其腸胃臟腑之燥熱煩渴而成腸胃之內熱甚以成吐瀉也涼膈白虎五苓及桂苓甘

露之散類隨證以調之也

或成留飲諸病者隨證燥之

宜小青龍湯五苓桂苓甘露黃連解毒湯小陷胸大承氣之類證本方論中

戰汗

夫熱病大汗將出而反寒戰者。

古人以百病皆為雜病惟傷寒名曰大病俗言汗病是也經言大汗者非謂邪熱自汗大出者也乃陽氣拂鬱鬱結後得開通發散宣通則蒸蒸而為汗出是謂大汗言大病怫鬱邪毒之氣鬱極迺發以為汗出故曰大汗也故經曰大氣皆去病得已矣

表之正氣與邪熱升甚於裏大熱亢極而反兼水化制之故反寒慄也化謂造化之化也

經曰少陰所至為驚或惡寒戰慄譫妄謂少陰君火熱氣之所至而為此等之病也又經曰諸禁鼓慄如發禱守

皆屬於火注云熱之內作然禁俗作噤鼓振搖而動也言禁冷振慄反寒戰也經曰亢則害承乃制謂五行之道

微者當其本此實其過亢則反兼勝己之化以制其甚老子云天之道且張弓乎高者抑之斯其道也經云水曰

靜順謂靜而自己無為但順物之氣味也及方圓不與物爭乃至柔順者也水本寒寒極則水冰如地而能載物

又經曰水發而雹雪是水寒亢極而反似剋水之土化是謂兼化也故病寒極者反堅滿也夫土主濕黔雲雨而

安靜雨濕極甚則飄驟散落是反兼風木制其土濕也故經言瘰為濕極而反似風強病也○木主生榮而旺於

春其氣濕其本風風大則反涼而毀折是兼金化制其木也故風病過極則中外燥濕皮膚皴揭反氣運行之燥

潤而筋脉痠緩是反兼金化也○金主於秋而屬於陰其氣涼涼極則天氣清明而萬物反燥燥物莫若火是金

極反兼火化制之也故為病血液衰少燥金之化極甚則反熱也燥物莫若火夏月火盛熱極甚則天氣曠昧而

萬物反潤以出水液林木流津及體熱極而反出汗液以火煉金熱極而反化為水是火極而反兼水化制之也

故病熱極則反出五濕婦人帶下淋瀝及厥逆身冷或為惡寒戰慄而或反冷痛也俗以帶下直言冷病及惡寒

戰慄便為陰寒者俗醫未知此也夫天道造化病微必當其本化寒見水化熱見火化也病甚者反似勝己之化如寒極反似濕土熱極反似寒水之化也嗟夫百病之極甚者其狀反似於己之相反者俗醫不求其病之本氣

而百端擬疑莫知真源不得已而但隨兼化之虛象焉為其治反助其病而害於生命多矣以至舉世皆云病至危極之時則陰陽反變而無能辨別也殊不知但以運氣造化之理推之則設若干變萬化而歸其要則一也何得有難易之二耶故經曰夫標本之有道要而博小而大可以言一而知百病之害經又曰善言始者必念於終善言近者必知其遠是則至數而道不惑所謂明矣故老子曰不窺牖見天道不出戶見天下其出彌遠其知彌少蓋知要與不知要也古聖曰反常合道謂古聖天理大道合同而常俗之心則有相反者也能古聖道不離於俗者謂道包於俗而入俗也又云俗自離道者常俗莫能合於道也夫俗則有相而道本無形者正如五行之變化微則守常而本化自見乃有相之俗是化以自見也甚則反以勝己之化乃無相而反常合道是謂變以其取變於本化之相而反見勝己之化也變化之道多端此則微甚外相之變化也故仙經曰大道似不肖厚德者不足即藏其本相於內而反變化勝己之化於外無相乃反常合於道者也却以道眼觀之則求其內也若但以俗眼觀其外則逐相而遷何由得其要也故聖經所論天地變化與道合同而俗無所慊但隨俗見編集方論有乖其理祇合俗心致使後人皆由說反自以為是而聖經之妙理費然罔究病者無辜竟罹橫夭吁可痛者且如理言陽勝則熱陰勝則寒俗直謂陽熱之氣勝則發熱陰寒之氣勝則發寒者皆經之本旨也此言表裏之陰陽正氣之虛實言正氣勝者為不病而不勝者為病也故經曰陰勝則陽病陽勝則陰病陰勝則寒是謂表陽之正氣為不病裏陰之正氣衰而為受病也裏陰之正氣勝為不病表陽之正氣衰而為受病者也此皆表裏陰陽之部分者也然病勝在裏為陽勝虛虛病當發熱故發熱為病熱在裏陽勝陰虛下之則愈汗之即死者是也表熱裏和則病當惡寒為陰勝陽虛汗之則愈下之即死者是也故熱在表為陰勝陽虛而言惡寒之寒者也是也表熱裏和則病當惡寒為陰勝陽虛汗之則愈下之即死者是也故熱在表為陰勝陽虛而言惡寒之寒則為寒也熱在裏為陽勝陰虛而言發熱之熱則為熱也故傷寒表熱則惡寒當汗裏熱則發熱而當下之又經曰重寒則熱重熱則寒者非謂病寒而極重反變也此重言當有兩重惡寒則不惡寒而惡熱謂表熱惡寒為一寒也若裏之陽和正氣又出之於表則又當有一重惡寒是謂重寒則反不為寒而為發熱也若表之正陽之氣與邪熱併入於裏則為兩重發熱則不發熱而後禁慄寒戰也此反言陽和衛氣併之於表陽分則病氣之勝為陽勝也病氣與衛氣併甚於裏之陰分則為陰勝也此亦表裏之陰陽正氣之與邪熱相併而以言為虛實也然

邪熱在於表則惡寒而熱與裏之衛氣并之於表則反煩熱也邪熱獨在於裏則發熱而表之正氣與邪熱并之於裏則反寒戰也故經云陽虛則外寒陰虛則內熱此言不併者也正氣虛而受邪熱故言虛也又曰陽勝則外熱陰勝則內寒此言併者也夫表裏陰陽之分受其邪熱之所在其冲和正陽之衛氣又為邪熱相并而為病之所正氣轉寔而不虛故經言勝也○故經瘧論云陽氣并於陰當是之時陽虛而陰寔外無氣故先寒慄也陰氣逆極則後出之陽陽氣後併於外則陰虛而陽寔故先熱而渴又曰併於陽則陽勝并於陰則陰勝陰勝則寒陽勝則熱是言表裏之陰陽熱氣之虛寔非寒熱陰陽之虛寔也故經曰病在陽則熱而脈燥在陰則寒而脈靜然氣并於內而外無氣故寒戰脈不能燥甚而沉細欲絕靜或不見也○夫瘧者邪熱與衛氣并則作發而不并則休止也故經曰衛氣相離或病得休衛氣集則復病也故又云陰虛而陽實實則熱矣衰則氣復反入入則寒矣此祇言表裏之陰陽氣不并者為虛而并者為實其為病之氣者乃熱之一也俗未明之直以經言陰勝則寒不明其經意以病熱而反惡寒戰慄便為陰寒之病誤之久矣其陰寒之為病者脈遲細不煩渴小便清白吐利脰微屈伸不便厥逆禁固體寒而不熱不惡寒無戰慄者也故經言人多病氣也陽少陰多故身寒如從水中出又曰人有身寒湯火不能熱厚衣不能溫不凍慄此是陰寒為病而直云不凍慄寒冷也夫陽動陰靜故經云戰慄動搖為陽火熱氣以為病也反寒冷者元則害承乃制是火熱極而反似寒水者也故病寒戰者反渴及雜病而害戰者多有燥糞也及夫人冒寒而戰慄者寒主閉藏而外冒於寒則裏熱怫鬱而表之陽和衛氣以外寒逼入於裏則陽并於陰而寒戰也夫恐極而戰者經言五志過極則勞傷本藏恐為腎故經曰恐傷腎然腎傷而虛則腎火自甚而熱也又經曰恐則氣下然陽生出行舒榮故心火之志喜則身心放肆而陰主收藏故腎水之志恐則身心收斂也夫恐則腎虛心實而熱正氣收藏陷下於裏亦是陽并於陰而寒戰也夫酒噤而戰者腸胃酒熱未散身表酒力已消則陽熱易為畜熱入裏故但冒於寒則陽并於陰而寒戰也夫欲汗而寒戰者傷寒日深表證罷畜熱於裏則發熱也若表裏之正氣并入裏則火熱無極而反寒戰也陰分陽熱之氣逆極而後出之陽則煩熱而大汗作也

世所謂交陽者非陰寒交熱以為陽熱也乃怫熱畜之於裏而鬱極迺發則交傳出之於表之陽分是謂交陽而後

作汗也。或怫熱過極而不能交出於表者是鬱極不發。否極不泰。即正氣衰殘。陰氣先絕。則陽氣後竭而死矣。夫欲汗而脈忽沉細。或不見者。陽表正氣并入於裏故也。交陽而燥亂昏冒者。裏熱鬱極。迺發而欲出。以怫鬱而陽之氣極不能出。故氣亂則神昏而燥擾也。○凡欲作汗。無問病之微甚。或以經新下者。或下證未全者。恒以涼膈散調之。甚者宜黃連解毒湯。或下後二三日。或未經下。腹滿煩渴。脈沉實而有下證者。三一承氣湯下之。勢惡者加黃連解毒湯下之。或已戰不快者。或戰後汗出不快者。或微戰數次。經大戰而汗不出者。乃并之不甚。而病之不速也。通宜三一承氣湯。或更加黃連解毒湯下之。以散怫熱而開鬱結也。○大法曰。脈浮不可下。傷寒病已有裏証。脈沉之下裏証尚在。脈漸浮至一二日。汗不能出者。裏証鬱發之不峻。病已三乙。承氣湯微下之。凡此諸可下者。或得利而汗使出者。或服藥而怫鬱頓然開發。先汗出而後利者。或利性但隨汗出。泄則氣和而愈。更不利者。說不快。交不過而死者。止由裏熱極甚。而不能開發也。故常以寒涼或下怫熱免致。但以其作汗而為邪熱耗絕。陰氣而死也。或不戰而汗出者。眾不能盡。而陽不并陰也。或戰而無汗。而自愈者。津液已衰。以經發汗吐利。或自汗吐利。亡液過多。則津液衰竭。無由作津。但氣和而愈也。

或不戰無汗而愈者。陽不并陰。則不戰。津液已衰。故無汗而已也。

世俗未知。而直以惡寒戰慄。名陽熱。氣虛陰寒。實勝。因而為治。誤人多矣。

受汗

夫大汗將出者。慎不可恨其煩熱。而外用水濕及風涼制其熱也。

陽熱開發。將欲作汗而出者。若為外風涼水濕所薄。則怫熱反入於裏。而不能出。泄病多危極而死矣。亦不可恨其汗遲。而厚衣壅覆。欲令大汗快而早出也。

怫熱已甚。而鬱極乃發。其發之微。則順。甚則逆。順則發易。逆則發難。病已怫熱作發。而煩熱悶亂。更以厚衣擁覆。太過。則陽熱暴然。太甚。陰氣轉衰。而正氣不榮。則無由開發。即燥熱喘滿危而死矣。

汗後

雙解散 普解風寒暑濕。餓飽勞逸。憂愁思慮。恚怒悲恐。四時中外諸邪。所傷億覺。身熱頭疼。拘倦強痛。無問自汗。

無汗增寒發熱渴與不渴有甚傷寒疫癘汗病兩感風氣雜病一切舊病作發三日裏外並宜服之設若感之勢甚本難解者常服三兩日間亦無不可並無所損或裏軟極甚腹滿實痛煩渴譫妄緩喘急下者以大承氣湯下之三乙承氣湯亦妙也○下後未愈或證未全或大汗前後逆氣或汗後餘熱不解或遺熱勞復或感他人病氣汗毒傳染或中瘴氣馬氣羊氣一切穢毒并漆毒酒食一切藥毒及墜墮打撲傷損疼痛或久新風眩頭疼中風偏枯破傷風洗頭風風癩病或婦人產後諸疾小兒驚風積熱瘡瘍疹痘諸證無問日數但服之周身中外氣血宣通病皆除愈是防風通聖散加天水散各一半

防風 川芎

當歸 切焙 芍藥

薄荷葉 淨 大黃

麻黃 去根節 連翹

芒硝 別研各半兩

石膏 別研 桔梗 各一兩

滑石 十五兩 別研

白朮 山梔子

荊芥葉

甘草 四兩 別研

黃芩 各一兩

右為麓末每服五錢六錢水一大盞半入葱白五寸鹽豉五十粒生姜三片煎至一盞濾汁去滓溫服無時日三四服以効為度常服三錢水一中盞煎六分絞汁溫服不拘時兼夜四服設痊愈後更宜常服使病不再作新病不生並無過竟無悶歲數乃平人常服之仙藥也凡人已衰老則腎水真陰損虛即風熱燥鬱其精血涸竭枯燥而死但以此藥扶補滋潤者也嗟夫世俗反以妄傳中年以上火氣漸衰止是虛冷更無熱病誤服熱毒之劑害人無數豈知識病之法全憑勝證以別寒熱陰陽虛實豈可以中年上下為則耶此藥除孕婦及產後月事經水過多并泄瀉者不宜服或治雜病亦宜治風熱極妙一名通氣防風散一名通解散

傷寒傳染論

夫傷寒傳染之由者由聞大汗穢毒以致神狂氣亂邪熱暴甚於內作發於外而為病也則如西山記曰近穢氣而觸真氣錢仲陽云步履糞穢之履無使近於嬰兒若聞其氣則令兒急驚風搖也孫真人云乘馬遠行至暮當沐浴更衣然後方可近於嬰兒使不聞馬汗氣毒不然則多為天吊急驚風搖也故剝死馬者感其毒氣而成馬氣丁黃之疾皆由聞其毒氣之所作也故聖惠方一法大汗出則懸藥於戶辟其大汗穢毒無使傷於人也世以艾炙席隅者皆其義也多染親屬憂戚侍奉之人勞役者由其神氣怯弱易為變亂故也何以知傳染脈不浮者是也若誤以熱藥解表不雜不解其病反甚而危殆矣其治之法自汗宜以蒼朮白虎湯無汗宜滑石涼膈散散散而愈其不解者通其表裏微甚隨強治之而與傷寒之法皆無異也

傷風

傷風之證頭疼項強肢節煩疼或目痛肌熱乾嘔鼻塞手足温自汗出惡風其脈陽浮而緩陰浮而弱此為邪在表已上傷風之證皆宜桂枝湯第二次以解明傷寒汗出怕風而加項強痛者桂枝葛根湯第三傷風及無汗者雖已服桂枝湯反煩不解而無裏證者先刺風池風府却與桂枝葛根湯服之不若通用雙解散五十一免致有桂枝麻黃之誤傷風自汗白虎湯二十二金匱方太陽病無汗而渴者不可與白虎湯

傷寒

傷寒之證頭項病疼腰脊強身體拘急惡寒不煩燥無自汗或致頭面目疼肌熱鼻乾或胸滿而喘手足指末微厥脈浮數而緊者邪在表以上傷寒之證皆宜麻黃湯第一以發其汗傷寒冒風頭目痛四肢拘倦比金散四十六不若通用天水散四十九或雙解散之類五十一甚佳無使藥不中病而益加害也○白虎合涼膈散二十三乃調理傷寒之上藥傷風甚妙

中暑

中暑之證身熱頭痛背寒而拓自汗煩燥大渴口乾倦怠而身不痛或時惡寒或畏日氣脈虛而弱無問表裏通宜白虎夏月感冒發熱煩渴五苓散二十四桂枝甘露飲三十四黃連香薷飲五十二或雙解散或裏熱甚腹滿而脈沉可下者大承氣湯下之或三一承氣湯尤妙半表半裏者小柴胡涼膈天水散

中濕

中濕之證一身盡疼重者發黃關節煩疼發熱真寒時或腹滿脹大便利脈沉而緩以上中濕之證先用雙解散微微汗之次用五苓散或淡滲散桂苓甘露飲曾用甘露飲不愈却用黃連解毒則愈問曰苦瀉止土之甘此屬土故以火劑燥土其病則愈

風寒俱中

風寒俱中之證頭痛項強肢體疼手足溫為中風反無汗惡寒脈浮緊為傷寒也或頭項疼腰脊強身體拘急指末微厥不自汗為傷寒反煩燥而脈緩者為傷風也風則傷衛寒則傷榮榮衛俱傷則表裏熱甚者通宜以大春湯或雙解散最妙。

內外傷寒

始得脈便沉而裏病表和者內傷也脈浮而表病裏和者外傷也病在身體四肢為表病病在胸腹之內為裏病內傷通解散外傷雙解散內外一切所傷通神散然不若雙解散以子和為之三法至神。

一切汗候

風寒暑濕飢飽勞逸憂愁思慮恚怒悲怒四時中外諸邪所傷但覺身熱頭疼拘攣強痛無問自汗無汗增寒發熱渴與不渴微甚傷寒疫癘汗病而感風氣雜病一切舊病發作三日裏外並宜雙解散設若感之勢甚本難解者常服雙解散三兩日間亦漸可減並無所損或裏熱極甚腹滿實痛煩渴譫妄須可下者三一承氣湯為妙或下後未愈或下證未全或大汗前後逆氣或汗後餘熱不解或遺熱復勞或忤他人病氣汗毒傳染或中瘴氣羊氣牛氣一切穢毒并漆毒酒毒食毒一切藥毒及墜墮打撲傷損疼痛或久患風眩頭疼中風偏枯破傷風洗頭風癩病或婦人產後諸疾小兒驚風積熱瘡瘍疹痘無問日數但以雙解散服之周身中外氣血宣通病皆除愈然雙解乃通仙之藥但除孕婦及產後月經過多并泄瀉者勿與服之惟年老人最宜自有造化於中矣。

傳染

凡傷寒疫癘之病何以別之蓋脈不浮者傳染也設若以熱藥解表不惟不解其病反甚而危殆矣其治之法自汗宜以蒼朮白虎湯無汗宜滑石涼膈散散熱而愈其不解者通其表裏微甚隨證治之而與傷寒之法皆無異也雙解散益元散皆為神方。

表證

凡表證脈浮身體肢節疼痛惡風惡寒者可汗之不可下也傷寒無汗麻黃湯傷風自汗桂枝湯一法不問風寒通用雙解散或天水散最妙。